

Viloyat
ijtimoiy-siyosiy
gazetasi

1928-yil 11-dekabrda
asos solingan

2025-yil 12-iyul / SHANBA / № 51 (13812)

Ўзбекистон Республикаси
Президентининг
ҚАРОРИ

ЎЗБЕКИСТОН RESPUBLIKASI DAVLAT MUSTAQILLIGINING ҲТТИЗ ТҲРТ ЙИЛЛИК БАЙРАМИГА ТАЙЁРГАРЛИК КҲРИШ ВА УНИ ҲТКАЗИШ ТҲҒРИСИДА

Дунёдаги ҳар бир давлатнинг миллий суверенитети ва мустақиллиги шу мамлакатнинг халқаро ҳуқуқ субъекти сифатида жаҳон ҳамжамиятидан муносиб ўрин эгаллаши, ўз халқининг тинч ва фаровон ҳаётини, унинг энг муҳим манфаатларини таъминлашга хизмат қиладиган мустақам сиёсий-ижтимоий замин ва куч-қудрат манбаидир.

Ҳеч шубҳасиз, 1991 йил 31 августда мард ва олижаноб халқимизнинг хоҳиш-иродаси ва азму қарори билан қўлга киритилган миллий истиқлолимиз Янги Ўзбекистонни барпо этиш йўлидаги барча ислохотларимиз ҳал қилувчи босқичга кираётган бугунги тарихий шароитда ҳар қачонгидан ҳам муҳим аҳамият касб этмоқда.

Айнан мустақиллик, барча сиёсий-ҳуқуқий кафолатларни ўзида мужассам этган ҳолда, "Ўзбекистон – 2030" стратегиямизни амалга ошириш, жамиятимизда тинчлик, дўстлик ва ҳамжихатлик муҳитини кучайтириш, инсон қадрини, ҳуқуқ ва манфаатларини таъминлаш, минтақамизда яхши кўшничлик алоқаларини янада ривожлантириш, дунё мамлакатлари билан фаол ҳамкорлик қилиш, Ватанимизнинг халқаро миқёсдаги обрў-эътиборини юксалтиришда бекиёс таянч бўлиб хизмат қилмоқда.

Мамлакатимиз мустақиллигининг ана шундай улкан аҳамиятини инобатга олиб, миллий истиқлолимизнинг ҲТТИЗ тўрт йиллик шонли санасини Янги Ўзбекистоннинг тараққиёт даражаси, жаҳон майдонидаги обрў-эътиборига ҳар томонлама муно-

сиб тарзда, юксак савияда нишонлаш мақсадида қарор қиламан:

1. Маданият вазирилиги, Республика Маънавият ва маърифат маркази, Ёзувчилар уюшмаси, Ёшлар ишлари агентлиги томонидан ишлаб чиқилган "Ватан учун, миллат учун, халқ учун!" деган эзгу гоани ўзида мужассам этган Ўзбекистон Республикаси давлат мустақиллигининг ҲТТИЗ тўрт йиллигига бағишланган байрам тадбирларининг гоавий-бадий концепцияси (кейинги ўринларда – Концепция) 1-иловага мувофиқ маъқуллансин.

2. Ўзбекистон Республикаси давлат мустақиллигининг ҲТТИЗ тўрт йиллик байрамига тайёргарлик кўриш ва уни ўтказиш бўйича республика комиссияси (кейинги ўринларда – Республика комиссияси) тузилсин ҳамда унинг таркиби 2-иловага мувофиқ тасдиқлансин.

3. Республика комиссияси (А.Арипов):

а) Ўзбекистон Республикаси давлат мустақиллигининг ҲТТИЗ тўрт йиллик байрами (кейинги ўринларда – Мустақиллик байрами) Қорақалпоғистон Республикаси, вилоятлар марказлари ва Тошкент шаҳрида, шунингдек, барча шаҳар ва туманлар, қишлоқ ва овулларда муносиб нишонланишнинг таъминлаш учун Концепциянинг асосий маъно-мазмунини ва йўналишларидан келиб чиққан ҳолда тегишли чора-тадбирлар дастурларининг ишлаб чиқилиши ва бажарилишини таъминласин;

(Давоми 2-саҳифада) ▶

БОЗОРБОПЛИК – ЭНГ МУҲИМ ТАЛАБ



▼ Тадбиркорлик

Юртимизда тадбиркорлик ва саноат соҳаларини ривожлантиришда давлатимиз томонидан берилаётган бир қатор имконият ва имтиёзлар тизими қўл келмоқда. Бу борадаги ютуқларни Юқори Чирчиқ тумани ишбилармонлари фаолиятида ҳам яққол кўриш мумкин.

Вилоят статистика бошқармасининг маълум қилишича, 2025 йилнинг 1 июль ҳолатига кўра туманда фаолият юритаётган корхоналар сони 2 минг 203 тани ташкил этмоқда, шундан 397 таси саноат корхоналаридир. Ўзтиборлиси, улар ўз маҳсулотлари билан мазкур тармоқда республикада етакчи бўлган компанияларни таъминлаб келади.

2

▼ Тақдимот

Алишер Навоий номидаги Ўзбекистон Миллий кутубхонасида «Ўзбек журналистикаси антологияси»нинг 1- ва 2- жилд китоблари тақдими ўтказилди.

«Ўзбек журналистикаси АНТОЛОГИЯСИ»

Ўзбек журналистикаси узок ва бой тарихга эга. Бу тарихни тадқиқ этиш, миллий журналистикамизнинг шаклланиш ва ривожланиш босқичларига ҳақида кенгроқ маълумотларга эга бўлиш, ҳар бир даврнинг энг яхши журналистик материаллари – асарларини ёшларга, келгуси авлодларга етказиш муҳим масала.

Шу пайтгача медиа соҳасига доир

қўллаб дарслик ва қўлланмалар, миллий журналистикамиз шаклланиши ва унинг ривожланиш босқичларига оид маълумотлар ўрин олган китоблар нашр этилган бўлса-да, «Ўзбек журналистикаси антологияси» яхлит ҳолатда яратилмаган эди.

Президентимизнинг 2022 йил 27 июндаги "Оммавий ахборот воситаларини қўллаб-қувватлаш ва журналистика соҳасини ривожлантириш чора-тадбирлари тўғрисида"ги Қароридан "Ўзбек журналистикаси антологияси" китобини нашрга тайёрлаш белгилангани, бунинг учун зарур маблағ ажратилгани миллий журналистикамиз антологиясини яратиш имконини берди.

4

BITIRUVCHILARGA DIPLOM TOPSHIRILDI



Joriy o'quv yilida oliygohda bakalavriat yo'nallishini 352 nafar talaba tamomladi. Ulardan 17 nafari qizil diplom sohiblari.

Jaloliddin ESONOV
olgan surat

2

Viloyat bo'ylab

NURAFSHON
shahridagi

57-sonli maktab o'quvchilari uchun Milliy gvardiya Toshkent viloyati bo'yicha boshqarmasi tomonidan "Dolzab 90 kun" doirasida keng qamrovli ko'rgazmali tadbir tashkil etildi. Unda o'quvchi-yoshlarga kamondan otish, harbiy qurol-aslaha va tog' tayyorgarligi jihozlari namoyish etildi.



QIBRAY tumanining «Bo'ston» mahallasida yashovchi Sardor va Go'zal Berdiyevlar Qirg'iziston Respublikasida o'tkazilgan matematika fani bo'yicha fan olimpiadasida ishtirok etib, faxrli 1-o'rinni qo'lga kiritishdi. Ular qirg'iz, qozoq tengdoshlari orasida yetakchilikni qo'lga olib, yurtimiz sharafiga munosib himoya qilishdi.



BO'STONLIQ tumanidagi "Xo'jakent" pansionatida "Ochiq osmon ostida" seminar-trening tashkil etildi. Seminar ajrimlarning oldini olish, yosh oilalarni hayotga tayyorlash, sog'lom muhitda farzand tarbiyasini yo'lga qo'yish va oilada ijtimoiy-ma'naviy barqarorlikni mustahkamlash maqsadida o'tkazildi.



QUYI CHIRCHIQ tumanidagi "Vatan" mahallasida Respublika ishchi guruhi xodimlari tomonidan aholining tomorqa yerlaridan samarali foydalanish holati o'rganildi. Unda hokim yordamchisi tavsiyasiga ko'ra berilgan kreditga is-siqxona tashkil etgan xonadonlar ko'zdan kechirildi.



BO'KA tumanining "Yangibog'" mahallasidagi uyalar atrofi yoshlar yetakchilari tashabbusi bilan tartibga keltirilib, obodonlashtirildi. Shuningdek, mahalladagi kambag'al oilalar reyestriga kiritilgan, yolg'iz keksalar holidan xabar olinib, xonadonlarida hasharlar tashkil etilmoqda.



Ўзбекистон Республикаси Президентининг
ҚАРОРИ

ЎЗБЕКИСТОН РЕСПУБЛИКАСИ ДАВЛАТ МУСТАҚИЛЛИГИНИНГ ЎТТИЗ ТЎРТ ЙИЛЛИК
БАЙРАМИГА ТАЙЁРГАРЛИК КЎРИШ ВА УНИ ЎТКАЗИШ ТЎҒРИСИДА

б) жойларда Мустақиллик байрамининг юртимиз тараққиёти ва халқимиз фаровонлигини таъминлаш борасидаги аҳамиятига бағишланган маънавий-маърифий анжуманлар, очик мулоқот ва суҳбатлар, адабий-бадий кечалар, миллий кино кунлари, умумхалқ сайиллари, маданият ва спорт тадбирларини самарали ўтказиш мақсадида таникли илм-фан намоёндалари, ижодкорлар, маданият ва санъат арбоблари, спортчилар, жамоатчилик вакилларида иборат тарғибот гуруҳларини ташкил этсин ҳамда уларнинг аниқ режа асосида фаолият юритиши учун зарур шарт-шароит яратиб берсин;

в) мазкур йўналишда белгиланган чора-тадбирларнинг амалга оширилиши юзасидан ҳар бир ҳудуд, вазирлик ва идора раҳбарларининг ҳисоботларини Республика комиссияси йигилишларида мунтазам равишда эшитиб борсин.

4. Қорақалпоғистон Республикаси, вилоятлар ва Тошкент шаҳрида ўтказиладиган асосий байрам тадбирларининг дастурларини тайёрлашга юқори профессионал маҳорат ва тажрибага эга бўлган сценарист ва режиссёрлар, ёзувчи ва шoirлар, бастакор ва балетмейстерлар, сахна рассомлари, истеъдодли ёш ижрочилар, мақом ва бахшичилик санъати вакилларида иборат ижодий гуруҳлар кенг жалб этилсин.

5. Мустақиллик байрамига бағишланган чора-тадбирларни амалга оширишда қуйдаги устувор йўналишларга алоҳида эътибор қаратилсин:

(Давоми. Бошланиши 1-саҳифада)

а) Янги Ўзбекистонни барпо этиш бўйича саккиз йил олдин бошлаган кенг кўламли ислохотларимиз тўғрисида жамиятимизнинг ижтимоий-сиёсий манзараси бутунлай ўзгариб бораётгани;

б) қисқа муддатда мамлакатимиз иқтисодиёти шиддат билан ўсиб, ялпи ички маҳсулотимиз ҳажми тарихда биринчи марта 110 миллиард АҚШ долларидан ошгани, “яшил” ва инновацион иқтисодиётга ўтиш, муқобил энергия манбаларини яратиш бўйича улкан дастур ва лойиҳалар амалга оширилаётгани;

в) янгиланган Конституциямизда белгиланганидек, Ўзбекистон тобора инсон қадрининг, унинг ҳуқуқ ва манфаатлари улуғланганидан ижтимоий давлатга айланиб бораётгани, бандлиқни таъминлаш, замонавий иш ўринларини кўпайтириш, камбағалликни қисқартириш, ёрдамга муҳтож тоифаларни қўллаб-қувватлаш бўйича давлат дастурлари катта ижобий натижалар бераётгани;

г) таълим соҳасидаги ислохотлар илгари тарихимизда мисли кўрилмаган ўзгаришларга олиб келаётгани, мактабгача таълим тизимида қамров 2017 йилдаги 27 фоиздан ҳозирги пайтда 77 фоизга, олий таълимда эса 9 фоиздан 42 фоизга етгани, юртимизда ижод мактаблари, ихтисослашган мактаблар ва Президент мактаблари каби янги моделдаги мактаблар тизими пайдо бўлгани;

д) соғлиқни сақлаш, илм-фан, IT, маданият, адабиёт ва санъат соҳалари ривожига ҳам катта эътибор берилаётгани, Париж

Олимпиадаси ва Паралимпиадасида спортчиларимиз илк бор кучли ўн бешталикдан жой олгани, футбол бўйича 17 ёшгача ўсмирлар жамоамиз, шунингдек, миллий терма жамоамиз Ўзбекистон тарихида биринчи марта жаҳон чемпионатида иўлланмани кўлга киритгани;

е) “**Ёшлар – Янги Ўзбекистон бунёдкорлари**” деган шиор остида навқирон авлодимизнинг замонавий билим ва касб-ҳунарлар, она тили билан бирга хорижий тилларни, IT технологияларини эгаллашлари, тадбиркорлик билан шуғулланишлари, истеъдод ва қобилиятини рўёбга чиқаришлари учун ҳар томонлама қулай шарт-шароит яратиб берилаётгани, бунга жавобан ўғил-қизларимиз турли соҳаларда дастлабки қувончли ютуқларга эришаётганлари;

ж) кейинги йилларда шахар ва қишлоқларимиз жадал суръатлар билан обод бўлиб бораётгани, “Янги Ўзбекистон” уй-жой мавзеларини барпо этиш, “Обод қишлоқ”, “Обод маҳалла” дастурлари доирасида улкан ишлар амалга оширилаётгани, смарт ва инновацион шахарсозлик асосида янги шахарлар барпо этилиб, ижтимоий инфратузилма тармоқлари ривожланаётгани;

з) кўп миллатли ва кўп конфессияли жамиятимиздаги тинчлик, ўзаро дўстлик ва ҳамжиҳатлик муҳити – бизнинг бебаҳо бойлигимиз экани, уни асраб-авайлаш ва мустақамлаш барчамизнинг муқаддас бурчимиз бўлиб қолиши зарурлиги;

и) “**Армия ва халқ – бир тану бир жондир!**” деган шиор асосида Қуролли Кучла-

римизнинг жанговар салоҳиятини ошириш, мард ва жасур аскар ва офицерларимизнинг жисмоний, маънавий-руҳий тайёргарлигини юксалтириш, ёшларни ватанпарварлик руҳида тарбиялаш борасидаги ишлар амалга оширилаётгани;

к) Ўзбекистоннинг Марказий Осиё минтақасида яхши қўшничилик, ҳамкорлик ва интеграция жараёнларини кучайтиришдаги ўрни ва нуфузи ортиб, янги босқичга кўтарилаётгани;

л) Янги Ўзбекистоннинг жаҳон ҳамжамиятида очик, демократик ва дунёвий давлат сифатидаги обрў-эътибори ва нуфузи тобора юксалиб бораётгани.

Маданият вазирлиги (О.Назарбеков):

а) Республика Маънавият ва маърифат маркази, Ёзувчилар уюмлари билан биргаликда бир ҳафта муддатда Тошкент шаҳрида Мустақиллик байрамига бағишлаб ўтказиладиган асосий байрам тадбирининг дастури ва сценарийсини Концепция асосида ишлаб чиқсин ҳамда уни юксак ғоявий-бадий савияда тайёрлаш чораларини кўрсин;

б) Бадиий академия, Ёзувчилар уюмлари, Журналистлар уюмлари билан биргаликда “**Она дийр – ранглар жилосида**”, “**Ватан учун яшайлик!**”, “**Энг улуг, энг азиз**” каби анъанавий кўрик-танловларни юзори даражада ўтказишни таъминласин;

в) Композиторлар ва бастакорлар уюмлари, Ёзувчилар уюмлари билан биргаликда юртимиз истиклолини тараннум этадиган **энг яхши кўшиқ ва мусиқа асарлари** танловларининг якуний босқичини ўтказсин;

г) мазкур танловларнинг ғолиб ва совриндорларини Мустақиллик байрами арафасида эълон қилиш ва тантанали равишда тақдирлаш чораларини кўрсин.

7. Белгилаб қўйилсинки, ўтказиладиган байрам тадбирлари:

а) Қорақалпоғистон Республикаси ва вилоятларда – тегишли маҳаллий бюджетларнинг қўшимча манбалари ҳамда жисмоний ва юридик шахсларнинг ихтиёрийлик асосидаги ҳомийлик хайриялари ҳисобидан;

б) Тошкент шаҳрида – Республика комиссияси томонидан тасдиқланган харажатлар сметасига мувофиқ Ўзбекистон Республикаси республика бюджети ва Тошкент шаҳар маҳаллий бюджети маблағлари ҳисобидан тенг улушларда молиялаштирилади.

8. Ўзбекистон Миллий телерадиокомпанияси, Ўзбекистон Миллий ахборот агентлиги, “Дунё” ахборот агентлиги ва бошқа оммавий ахборот воситаларига Мустақиллик байрамига тайёргарлик кўриш ва уни ўтказиш бўйича амалга оширилаётган ишларни кенг ёритиб бориш тавсия этилсин.

9. Ушбу қарорнинг ижросини назорат қилиш Ўзбекистон Республикаси Бош вазирини А.Н.Арипов ва Ўзбекистон Республикаси Президенти Администрацияси Ижтимоий ривожланиш департаменти раҳбари О.Қ.Абдурахмонов зиммасига юклансин.

Ўзбекистон Республикаси
Президенти

Ш. МИРЗИЁЕВ

Тошкент шаҳри,
2025 йил 10 июль

БОЗОРБОПЛИК – ЭНГ МУҲИМ ТАЛАБ



2018 йилда фаолиятини шланг ишлаб чиқаришдан бошлаган “Dizel Detal Savdo” корхонаси бугунга келиб автомобиллар учун (Давоми. Бошланиши 1-саҳифада)

барча турдаги резина эҳтиёт қисмлар тайёрлашни йўлга қўйган. Ҳозирда корхона бир вақтнинг ўзига 35 минг метр-гача юқори босимга чидамли шланг ишлаб чиқариш қуввати-



га эга. Бу нафақат ички бозор эҳтиёжларини тўлиқ қондириш, балки йирик ташкилотлар билан самарали ҳамкорлик ўрнатиш имконини ҳам бермоқда.

– Корхонамиз бу турдаги резина маҳсулотларини ишлаб чиқариш бўйича Марказий Осиёда ягона ҳисобланади, – дейди директор ўринбосари Абдуалим Тилолов. – Шу боис маҳсулотларимизга бўлган талаб анча юқори. Хом ашё асосан Россия, Хитой, Таиланд ва Вьетнам давлатларидан келтирилади. Айни пайтда юзга яқин турли ўлчамдаги шланглар ишлаб чиқаряпмиз. Корхонада 60 дан ортиқ ишчилар меҳнат қилишади. Келгусида фаолиятимизни кенгайтириб, маҳсулотларимизни хорижга чиқариш, янги иш ўринлари яратиш режамизда бор.

Дарвоқе, мазкур корхона бир неча йилдан буён Олмалиқ кон-металлургия комбинатини маҳсулот билан таъминлаб келади. Яқиндан Навоий кон-металлургия комбинати билан ҳам ҳамкорлик йўлга қўйилди.

Меҳриддин ИБРАГИМОВ,
“Тошкент ҳақиқати” мухбири
Жалолддин ЭСОНОВ
олган суратлар

▼ Назорат

ДАВЛАТ ХИЗМАТЧИСИНИНГ
ҲАЛОЛЛИК ИМИЖИ

Маҳаллий давлат ҳокимияти органларида ҳалоллик ва қонунийликни таъминлаш, аввало, ходимларнинг виждони ва халқ олдидаги масъулиятини кучайтиради, аҳолининг давлатга бўлган ишончини мустақамлайди, маиший ва маҳаллий даражадаги коррупциявий ҳолатларнинг олдини олишга хизмат қилади.

Шу сабабли, Қонунчиликни таҳлил қилиш ва тартибга солиш таъсирини баҳолаш институти томонидан Халқ депутатлари вилоят Кенгаши ҳамда вилоят ҳокимлиги билан ҳамкорликда маҳаллий давлат ҳокимияти органлари давлат хизматчилари фаолиятида ҳалоллик ва қонунийликка риоя этишни таъминлаш масалалари ўрганилмоқда.

Қайд этиш лозимки, Ўзбекистон Республикаси Президентининг 2024 йил 16 августдаги “Ижтимоий муносабатларни ҳуқуқий тартибга солишнинг барқарорлигини таъминлаш, сифати ва самарадорлигини ошириш чора-тадбирлари тўғрисида”ги Фармони

билан ижтимоий муносабатларни тартибга солиш барқарорлигини таъминлаш соҳасида илмий тадқиқотлар ўтказиш мазкур институтнинг энг муҳим вазифаларидан бири этиб белгиланган. Институт мазкур йўналишда тадқиқотлар ўтказувчи нуфузли «ақл марказлари»дан бири ҳисобланади.

Хусусан, тадқиқотлар маҳаллий давлат ҳокимияти органлари ходимлари, Халқ депутатлари Кенгашлари ва ҳокимликларнинг раҳбар ходимлари, бой тажрибага эга меҳнат фахрийлари, ҳуқуқшунос, сиёсатшунос ва психолог олимларнинг иштирокида ўтказилмоқда. Уларда маҳаллий давлат ҳокимияти органлари-



даги давлат хизматчиларининг қонуний фаолиятига билвосита таъсир қилувчи омиллар таҳлил қилинмоқда.

– Бугунги кунда давлат хизматчисининг ҳалол ишлашини акс эттирувчи жиҳатлар, ҳалол иш муҳитини таъминлаш, ҳалол ишлашга таъсир кўрсатувчи ижобий ва салбий омиллар, ҳалол ишлашни рағбатлантирувчи қарорлар, ҳалол иш муҳити ва шароитларни яратиш масалалари ўрганилмоқда, – дейди вилоят ҳокимлиги юридик хизмат бошлиғи Ёқуб Қаюмов. – Тадқиқот якунлари бўйича «ҳалоллик вакцинаси» билан «эмлаш»ни

тизимли ва мунтазам амалга ошириш, давлат хизматчисининг «ҳалоллик имижини» яратиш, маҳаллий давлат ҳокимияти органларининг иш фаолиятига «ҳалоллик стандартлари»ни жорий этиш, ҳалолликка риоя этиш маданиятини шакллантириш ва мустақамлаш, шахсий ҳалоллик ва виждониликни рағбатлантириш, ҳалолликка монелик қилувчи омилларни бартараф этишга оид тақлифларни ишлаб чиқиш режалаштирилган.

Нигора ЭРКИНБОЕВА,
“Тошкент ҳақиқати” мухбири
Саҳобиддин РУСТАМОВ
олган суратлар



NURAFSHONDA
YANGI OLIYGOH FAOLIYAT BOSHLAGI

Hozirgi texnika asrida barcha mamlakatlarda kiberhujumlar har galgidan ham ko'proq xavf tug'dirmoqda. Undan himoyalalanish uchun butun dunyoda kiberxavfsizlik masalalariga alohida urg'u berilmoqda. Mamlakatimizda ham mazkur sohani rivojlantirish bo'yicha qator ishlar amalga oshirilmoqda.

Xususan, davlatimiz rahbarining joriy yil 20-yanvardagi “Cyber University” davlat universitetini tashkil etish to'g'risida”gi qaroriga asosan Nurafshon shahrida “Cyber University” universiteti tashkil etilib, 2025-2026-o'quv yilidan boshlab faoliyatini yo'lga qo'yish rejalashtirilgan edi. Xo'sh, mazkur ta'lim muassasasida hozirga qadar qanday ishlar amalga oshirildi? Kirish imtihonlari qay tarzda o'tadi? Shu kabi savollarga aniqlik kiritish maqsadida universitet rahbariyati hamda ommaviy axborot vositalari ishtirokida matbuot anjumani tashkil etildi.

– Barcha sohalarning raqamlashtirilishi tizim, tarmoq va ma'lumotlar xavfsizligini ta'minlash masalasini dolzarb qilib qo'ymoqda. Shu bois, kiberxavfsizlik bugungi kunning eng ishtiroqli IT yo'nalishlaridan biri sifatida e'tirof etilmoqda, – dedi universitet rektori Shuhrat Qayumov. – Har yili dunyo bo'yicha kiberxavfsizlik sohasida malakali kadrlarga bo'lgan ehtiyoj o'rtaicha 9 foizga oshib bormoqda, biroq yetarlicha mutaxassislar tayyor-

lanmayapti. Mamlakatimizda ham mazkur masalada oqsoqlanayotgani ayni haqiqat. Shu maqsadda mazkur sohaga ixtisoslashgan Markaziy Osiyo mintaqasida yagona bo'lgan universitet tashkil etildi. Oliyohda sifatli ta'limni joriy etish maqsadida AQSH, Xitoy kabi kiberxavfsizlik sohasida dunyoda yetakchilardan bo'lgan mamlakatlarning nufuzli universitetlari bilan hamkorlik memorandumlari imzolandi. Ahamiyatlisi, kelishuvda universitetda ular bilan hamkorlikda ishlab chiqilgan maxsus dasturlar asosida dars jarayonlarini yo'lga qo'yish, pedagog kadrlar malakasini oshirish bo'yicha o'qituvchilarni xorijga yuborish, oliyohni tamomlagan bitiruvchilarni Microsoft, Huawei, Amazon singari dunyoning yetakchi kompaniyalarida salohiyatlarini oshirishni ta'minlash masalalari ham mavjud.

Anjumanda boshlanajak o'quv yilida universitetga bakalavriat bosqichida 800 ta kvo-ta ajratilgan bo'lib, shundan 100 nafar abituriyent davlat granti asosida, 200 nafari

maqsadli qabul hamda 500 nafari to'lov-kontrakt asosida qabul qilinishi aytib o'tildi. Ilk o'quv yilida mazkur bosqichda 8 ta yo'nalish tashkil etilgan bo'lib, kelgusida talabdan kelib chiqqan holda yo'nalishlarni ko'paytirish rejalashtirilgan. Bundan tashqari, magistratura yo'nalishida 50 ta qabul kvotasi belgilangan.

Talabalar uchun qulaylik yaratish maqsadida universitet hududida 806 o'ringa mo'ljallangan 17 qavatli talabalar turarjoyi, ochiq va yopiq sport inshootlari, zamonaviy oshxona hamda laboratoriyalar mavjud. Oliyoh hududida barcha tizimlar to'liq avtomatlashtirilgan bo'lib, uzluksiz elektr manbai-ga ega bo'lish uchun qyovush batareyalari ham o'rnatilgan. Universitetda dars jarayonlari o'zbek hamda ingliz tillarida olib boriladi.

Anjuman davomida mu-tasaddilar kelgusidagi rejalar haqida ham to'xtalib o'tishdi. Ta'kidlanishicha, keyingi ikki yillikda universitetga tayyorlov kurslari ham tashkil etilib, ular respublikadagi barcha viloyat-larda faoliyat yuritadi. Mazkur kurslarga 10-11-sinf o'quvchilari qabul qilinadi.

Yakunda OAV xodimlari o'zlarini qiziqtirgan savollarga mutasaddilardan javob olishdi.

Suhrobjon SADIROV,
“Toshkent haqiqati” muxbiri

▼ Ta'lim

Astraxan davlat texnika universitetining Toshkent viloyati filialida bitiruvchilarga diplom topshirish marosimi bo'lib o'tdi.

Rossiya Federatsiyasi uni-versiteti bilan hamkorlikda tash-kil etilgan mazkur filialda bugun-gi kunda 1 ming 83 nafar talaba tahsil olmoqda. Joriy o'quv yilida bakalavriat yo'nalishini 352 na-far talaba tamomladi. E'tiborlisi, ulardan 17 nafari qizil diplom sohiblari.

– Bu dargohda o'tgan davrim hayotimdagi eng unutilmas yil-lar bo'ldi, – deydi Leyla Xayrul-layeva. – Ayniqsa, joriy o'quv yili har galgidan ham o'zgacha o'tdi. Boisi, so'nggi bir yilda ko'plab yutuqlarga erishdim. Xususan, O'zbekiston Respubli-kasi Prezidenti davlat stipendi-yasi sohibasi bo'ldim, oliyohgani qizil diplom bilan tamomlab, magistratura bosqichiga imtiy-ozli yo'llanmani qo'lga kiritdim. Bunda ustozlarimning xizmat-

lari katta. Kelgusida bildirilgan ishonchni oqlash uchun astoydil harakat qilaman.

Ta'kidlash lozimki, ushbu ta'lim muassasasining diplomi MDHga a'zo mamlakatlarda tan olinadi. E'tiborlisi, yakunlangan o'quv yili bitiruvchilarining 200 nafardan ortig'i o'z ishiga ega.

Tadbirda universitetning Toshkent viloyati filiali direktori Mariya Sibizova so'zga chiqib, bitiruvchilarga omad tiladi.

O'z muxbirimiz

▼ Жараён

Бугун юртимиз масъулиятли ва ислохотларга бой даврни бошидан кечирмоқда. Барча соҳаларда рўй бераётган жадал ўзгаришлар халқ фаровонлиги ва миллий иқтисодиётнинг барқарор ривожланишига хизмат қилмоқда. Улар орасида энергетика, хусусан, табиий газ таъминоти масаласи алоҳида ўрин тутати.

Табиий газ — нафақат аҳолининг турмуш даражаси, балки sanoat, қишлоқ хўжалиги, инфратузилма ва энергетика тизимининг ҳам юраги. Бугун бу ҳаётини неъматдан самарали, оқилона ва адолатли фойдаланиш борасида қатъий чоралар қўрилмоқда. Ушбу ислохотлар мам-

ошириш ҳисобига 735 минг метр куб. газ ҳажмини иқтисод қилиш;
— давлат идоралари, корхона ва ташкилотларда мавжуд 206 та ностандарт табиий газ жиҳозларини энергия тежамкорига алмаштириш ва иситиш тизимларини оптималлаштириш ҳисобига 837 минг метр

ЯНГИ БОСҚИЧ —
ЯНГИЧА
ЎНДАШУВ

лакатнинг энергетик хавфсизлигини таъминлаш, тармоқдаги иншоотларни модернизация қилиш, хусусий сектор иштирокини ошириш ва бозор механизмларини жорий этишга қаратилган. Шунингдек, аҳоли ва тадбиркорлик субъектларини табиий газ билан адолатли, аниқ ва шаффоф мезонлар асосида таъминлаш масалалари ҳам доимий эътибор марказида турибди.

Сўнгги йилларда Тошкент вилоятида ҳам янги уйлар барпо этилиши ва аҳоли сонининг ўсиб бориши ҳисобига табиий газга талаб ва эҳтиёж йилдан-йилга ортмоқда.

Давлатимиз раҳбарининг 2025 йил 1 апрелдаги “Ёқилғи-энергия ресурсларидан ноконуний фойдаланиш ва беҳуда сарфланишининг олдини олиш ҳамда энергия самарадорлигини ошириш бўйича чора-тадбирларни тақомиллаштириш тўғрисида”ги Қарорига асосан вилоятда энергия ресурсларини тежаш ва улардан оқилона фойдаланиш бўйича дастур ишлаб чиқилган бўлиб, унга кўра жорий йил давомида 206,6 млн. метр куб. табиий газ ҳажмларини иқтисод қилиш белгиланган. Мазкур мақсадли кўрсаткичлар қуйидаги амалий тадбирлар ҳисобидан бажарилиши режалаштирилган:

— вилоят ҳудудидagi 29 минг 860 нафар аҳоли хонадонларини икки босқичли тизимга ўтказиб, 671 та газ тақсимлаш пунктини демонтаж қилиш ҳамда 49 та газ тақсимлаш пунктини алмаштириш ҳисобига 980 минг метр куб. газ ҳажмини иқтисод қилиш;
— кўп йиллар фойдаланишда бўлган 14,1 км. газ қувурларини мукамал таъмирлаш ва реконструкция қилиш ҳисобига 957 минг метр куб. газ ҳажмини иқтисод қилиш;
— аҳоли хонадонларига ўрнатилган 37 минг 467 та ностандарт ёки маънан эскирган газ ёндиргичларини замонавий тежамкорига алмаштириш ҳисобига 71 млн. 93 минг метр куб. газ ҳажмини иқтисод қилиш;
— истеъмолчиларни табиий газ билан таъминловчи 2 минг 723 км. газ қувурларида синаш ишларини ўтказиш ва мобил лаборатория орқали текшириш тадбирларини амалга

ўтказилди. Мазкур ишларнинг амалга оширилиши натижасида йиллик 143 млн. 800 минг метр куб. табиий газ ҳажми иқтисод қилиниб, йиллик режа 70 фоизга (даврий режа 165 фоиз) бажарилишига эришилди.

Табиий газ таъминоти қоникарсиз бўлган ёки табиий газ этиб бормаган олис ҳудудларда истикомат қилувчи аҳоли хонадонларини суюлтирилган газ билан таъминлаш филиалимиз зиммасидаги энг устувор вазифа ҳисобланади.

Эътиборлиси, жорий йил январь-май ойларида вилоятимиздаги туман ва шаҳар аҳоли хонадонларига 2 минг 481 тонна суюлтирилган газ фонди етказиб берилиши режа-



лаштирилган бўлиб, йил бошидан ҳозирга қадар 2 минг 521 тонна (йиллик режага нисбатан 102 фоиз) етказиб берилди.

Шунингдек, вилоятимизнинг олис, тоғли, бориш қийин бўлган 13 та маҳалласида яшовчи 4 минг 894 нафар истеъмолчига жорий йил мавсимида 304 минг 400 тонна суюлтирилган газ етказиб берилди.

Хонадонларга қишда ҳам “зангори ёқилғи”ни бир маромда, хавфсиз етказиб бериш мақсадида газ тармоқлари ва газ тақсимлаш пунктларининг соғлиги назоратдан ўтказилиб, реконструкция қилиш ишларига алоҳида эътибор қаратилмоқда.

Мамлакатимизда соҳани ривожлантириш йўлида амалга оширилаётган ислохотлар одамларнинг эртанги кунга ишончини мустаҳкамлаб, уларнинг ҳаёт тарзига энгиллик олиб кириш ва қулайлик яратишга хизмат қилмоқда. Бу ишончини янада ошириш, куз-киш мавсумида аҳолини узлуқсиз табиий ва суюлтирилган газ билан таъминлашда юзага келиши мумкин бўлган муаммоларни бар-тароф этиш ҳамда истеъмолчилар розилигига эришиш асосий мақсади-миздир.

Табиий газ — табиатнинг инсониятга инъом этган неъматларида бири. У нафақат уйлариимизни иситати, балки иқтисодиётимизнинг кўзгалмас устуни, энергия манбаи ҳамдир. Лекин ҳар неъматнинг қадри унга муносабат билан белгиланади. Шу боис, мазкур соҳадаги ислохотлар фақат техник янгиланиш ёки иқтисодий кўрсаткичлар эмас, балки келажакка қўйилган жиддий одимдир.

Мухтасар айтганда, табиий газ таъминотидаги ислохотлар ҳар бир фуқаронинг кундалик ҳаётини яхшилашга қаратилган. Бу жараёнда шаффофлик, масъулият, замонавий технологиялар ва жамоатчилик назорати устувор ўрин эгалламоқда. Энг муҳими, бу ислохотлар нафақат иқтисодий, балки ижтимоий барқарорлиқни таъминлашда ҳам муҳим пойдевор бўлиб хизмат қилмоқда.

Жамиш МУХАММЕДОВ,
“Худудгаз Тошкент” газ таъминоти филиали директори

ОДАМЛАР ИШОНЧИ — БОШ МЕЗОН

Тошкент вилояти судларининг жорий йил биринчи ярмида одил судловни амалга ошириш борасидаги фаолияти юзасидан ОАВ вакиллари учун брифинг ўтказилди.

▼ Брифинг

Унда вилоят суди раиси Дилшод Таджибаев мамлакатимизда инсон ҳуқуқларини ҳимоя қилиш тизимини янги босқичга кўтариш, аҳолининг ҳуқуқни муҳофаза қилиш идораларига ишончини мустаҳкамлашга қаратилган ишлар борасида маълумот берди.

Хусусан, фуқаролик ишлари бўйича судлар томонидан ўтган даврда биринчи инстанцияда жами 24 минг 823 та фуқаролик иши кўриб, тамомланган. Шунингдек, судларда жами 59 минг 905 та ариза бўйича суд бўйруқлари чиқарилган бўлиб, булар асосан коммунал тўловлар, газ ва электр таъминоти бўйича қарздорликларни ундириш билан боғлиқ аризаларни ташкил этган.

Ҳал қилув қарорлари чиқарилган ишларнинг 88,3 фоизи бўйича даъво талаблари қаноатлантирилган, 11,7 фоизи рад қилинган.

Тахлилларга кўра, фуқаролик ишлари бўйича судларда 2025 йил-

нинг биринчи ярмида ўтган йилнинг шу даврига нисбатан алимент ундириш 442 тага, кредит билан боғлиқ низолар 410 тага, никоҳдан ажратиш

303 тага, меҳнат низолари билан боғлиқ масалалар 19 тага, ота-оналик ҳуқуқидан махрум қилиш 28 тага ва бошқа тоифадаги ишлар 2 минг 635 тага кўпайган, ерга оид низолар эса 88 тага камайган.

Брифингда жиноят ишлари бўйича судлар фаолияти ҳақида ҳам тўхталинди. Бу йўналишда судланганлар сони ўтган йилнинг шу даврига нисбатан 6,6 фоизга ортган.

Судлар томонидан барча инстанцияларда 251 нафар шахс суд залидан қамоққа олинган бўлса, 589 нафар шахс суд залидан озод этилган. Кўриб тамомланган ишлар бўйича



судланувчиларнинг 541 нафари аёллар, вояга етмаган шахслар 180 нафар, 60 ёшдан ошганлар 223 нафарни ташкил этган.

Тадбирда аҳоли муурожаатлари билан боғлиқ ишларга ҳам тўхталиб ўтилди. Бунда муурожаатлардаги ҳар бир ваҳини чуқур ва атрофлича ўрганилишига, жавоблар асосли ва тўлиқ бўлишига, муурожаатчиларни шахсан қабул қилиш ва улар билан бевосита суҳбат ўтказиш орқали кўриб чиқишга алоҳида эътибор қаратилгани таъкидланди.

Нигора ЎРОЛОВА,
“Тошкент ҳақиқати” мухбири

ҲУҚУҚБУЗАРЛИКЛАР НЕГА ОРТМОҚДА?

Кадастр агентлиги вилоят бошқармасида “Хатлов ишлари натижалари ва ерга оид ҳуқуқбузарликлар” мавзусига бағишланган матбуот анжумани бўлиб ўтди. Унда босма ҳамда электрон ОАВ ходимлари, соҳа масъуллари иштирок этишди.

▼ Матбуот анжумани

Дастлаб, Давлат кадастрлар палатаси вилоят бошқармаси бошлиғи Жасур Ахоров иштирокчиларга Ўзбекистон Республикасининг 2024 йил 5 августдан кучга кирган «Ўзбошимчилик билан эгаллаб олинган ер участкалари ҳамда уларда қурилган бинолар ва иншоотларга бўлган ҳуқуқларни эътироф этиш тўғрисида»ги Қонуни тўғрисида батафсил маълумот берди.

Маълумки, қонун ижроси 2028 йилнинг 1 январига қадар амал қилади. Ҳуқуқларни эътироф этиш бўйича қонунда назарда тутилган асосларда ва тартибда фақат ижара ҳуқуқи, ушбу ер участкаларида қурилган бинолар ва иншоотларга бўлган мулк ҳуқуқи эътироф этилади. Бунда ижара муддати яқка тартибдаги уй-жойлар эгалланган ер участкалари учун 99 йил, бошқа ер участкалари учун 49 йил этиб белгиланади.

Хусусан, 2024-2025 йилларда вилоятимиздаги 1 минг 25 та маҳаллада 558 таси хатловдан ўтказилиши

режалаштирилган. Бу жараёнга 200 дан ортиқ кадастр муҳандислари жалб қилинган.

Шунингдек, бугунги кунга қадар 50 минг 803 та объект хатловдан ўтказилган, 18 минг 871 таси “Эътироф” дастурига қиртилган. Шундан 16 минг 274 та муҳокамадаги объектлар, 1 минг 716 таси эълондаги объектлар, 19 таси адлияда ўрганишдаги, 20 таси рад этилган объектлар ҳисобланади. Ай-тиш жоизки, энг кўп хатлов объектлари Тошкент, Қўйраб, Зангиота туманлари ҳамда Ангрен шаҳрида ўтказилган. Шунингдек, Халқ депутатлари вилоят Кенгаши қарорлари билан 44 нафар фуқаронинг яқка тартибдаги уй-жойларига нисбатан эгаллик ҳуқуқлари тиклаб берилди.

— Ўзбошимчи эгалланган ер участкалари ҳамда уларда қурилган бино-иншоотларни хатловдан ўтказиш натижаларига кўра, сўнгги олти ойда жами 1 минг 913 ҳолатда 78,6 гектарда ҳуқуқбузарликлар аниқланди, — дей-

ди бошқарма бош мутахассиси Эркин Камалов. — Мазкур ҳолат юзасидан ҳуқуқбузарларга ёзма қўрсатмалар берилган. Натижада 1 минг 87 та ҳолатда 21,4 гектар ер майдонидagi қонунбузилишлар жойида бартараф этилди. 1 минг 626 та ҳолатда ҳуқуқбузар шахсларга нисбатан 37 млрд. 52 млн. сўм маъмурий жарималар қўлланилди.

Тахлил натижалари жорий йилнинг олти ойи давомида ҳуқуқбузарликлар сони ўтган йилга нисбатан 12 фоизга ортганини кўрсатмоқда. Жумладан, Ўстонлиқ туманида 207 та, Зангиота туманида 63 та, Янгийул туманида 114 тага кўпайган.

Масалан, 431 та ҳолатда 1 минг 570 гектар ер майдонидан мақсадсиз фойдаланиш аниқланиб, 1 минг 543 гектар ер майдони давлат захирасига қайтарилиши таъминланди.

Анжуман якунида масъуллар журналистларни қизиқтирган саволларга жавоб беришди.

Ўз мухбиримиз

▼ Эълонлар

Уруғчиликни ривожлантириш маркази Тошкент вилояти бошқармаси вилоятда 2026 йил ҳосили учун уруғлик ғалла етиштириш бўйича танлов ўтказилишини маълум қилади.

Танловда номзодлар электрон рақамли имзо билан қатнашиш ҳуқуқига эга.

Танловга жорий йил 15 июль соат 09:00 дан 5 август 23:59 га қадар “E-urug” ахборот тизимида <https://e-seeds.uz/> га ариза топшириш мумкин.

“PISKENT AGROSERVIS MTP” MCHJ KREDITORLARI DIQQATIGA!

O'zbekiston Respublikasi Prezidentining 2024-yil 19-apreldagi PQ-164 sonli qarori va "PiskentAgroservis MTP" MChJ yagona ishtirokchisining 2025-yil 27-iyundagi 11-sonli qaroriga muvofiq "Piskent Agroservis MTP" MChJ ixtiyoriy ravishda tugatilganligini ma'lum qilamiz.

"Piskent Agroservis MTP" MChJ tugatish komissiyasiga e'lon chop etilgan kundan boshlab bir oy mobaynida kreditorlar o'z talabi bilan Piskent shahar A.Temur ko'chasidagi 66-uyga murojaat etishlari mumkin.

Murojaat uchun telefon: (90) 058-55-51.

“PISKENT AGROSERVIS MTP”
MCHJ TUGATISH
KOMISSIYASI

“PARKENT AGROSERVIS MTP” MCHJ KREDITORLARI DIQQATIGA!

O'zbekiston Respublikasi Prezidentining 2024-yil 19-apreldagi PQ-164 sonli qarori va "ParkentAgroservis MTP" MChJ yagona ishtirokchisining 2025-yil 27-iyundagi 10-sonli qaroriga muvofiq "Parkent Agroservis MTP" MChJ ixtiyoriy ravishda tugatilganligini ma'lum qilamiz.

"Parkent Agroservis MTP" MChJ tugatish komissiyasiga e'lon chop etilgan kundan boshlab bir oy mobaynida kreditorlar o'z talabi bilan Toshkent viloyati, Parkent tumani, Parkent, "Istiqbol" MFY, Keskanjar ko'chasi, Markaziy MTP binosiga murojaat etishlari mumkin.

Murojaat uchun telefon: (94) 607-85-13, (99) 854-27-73.

“PARKENT AGROSERVIS MTP”
MCHJ TUGATISH
KOMISSIYASI

“CHINOZ AGROSERVIS MTP” MCHJ KREDITORLARI DIQQATIGA!

O'zbekiston Respublikasi Prezidentining 2024-yil 19-apreldagi PQ-164 sonli qarori va "ChinozAgroservis MTP" MChJ yagona ishtirokchisining 2025-yil 27-iyundagi 13-sonli qaroriga muvofiq "Chinoz Agroservis MTP" MChJ ixtiyoriy ravishda tugatilganligini ma'lum qilamiz.

"Chinoz Agroservis MTP" MChJ tugatish komissiyasiga e'lon chop etilgan kundan boshlab bir oy mobaynida kreditorlar o'z talabi bilan Toshkent viloyati, Chinoz tumani, Chinoz, F.Xo'jayev, Markaziy MTP binosiga murojaat etishlari mumkin.

Murojaat uchun telefon: (97) 669-60-59, (93) 764-16-80.

“CHINOZ AGROSERVIS MTP”
MCHJ TUGATISH
KOMISSIYASI

“OQQO'RG'ON AGROSERVIS MTP” MCHJ KREDITORLARI DIQQATIGA!

O'zbekiston Respublikasi Prezidentining 2024-yil 19-apreldagi PQ-164 sonli qarori va "Oqqo'rg'on Agroservis MTP" MChJ yagona ishtirokchisining 2025-yil 27-iyundagi 12-sonli qaroriga muvofiq "Oqqo'rg'on Agroservis MTP" MChJ ixtiyoriy ravishda tugatilganligini ma'lum qilamiz.

"Oqqo'rg'on Agroservis MTP" MChJ tugatish komissiyasiga e'lon chop etilgan kundan boshlab bir oy mobaynida kreditorlar o'z talabi bilan Toshkent viloyati, Oqqo'rg'on tumani, Oqqo'rg'on, Yaralixo'jayev, Markaziy MTP binosiga murojaat etishlari mumkin.

Murojaat uchun telefon: (90) 137-24-98, (88) 014-75-57.

“OQQO'RG'ON AGROSERVIS MTP” MCHJ TUGATISH
KOMISSIYASI

“QUYI CHIRCHIQ AGROSERVIS MTP” MCHJ KREDITORLARI DIQQATIGA!

O'zbekiston Respublikasi Prezidentining 2024-yil 19-apreldagi PQ-164 sonli qarori va "Quyi Chirchiq Agroservis MTP" MChJ yagona ishtirokchisining 2025-yil 27-iyundagi 14-sonli qaroriga muvofiq "Quyi Chirchiq Agroservis MTP" MChJ ixtiyoriy ravishda tugatilganligini ma'lum qilamiz.

"Quyi Chirchiq Agroservis MTP" MChJ tugatish komissiyasiga e'lon chop etilgan kundan boshlab bir oy mobaynida kreditorlar o'z talabi bilan Toshkent viloyati, Quyichirchiq tumani, Do'stobod, Muhammetkulova 230-uy Markaziy MTP binosiga murojaat etishlari mumkin.

Murojaat uchun telefon: (94) 363-83-81, (90) 330-09-05.

“QUYI CHIRCHIQ AGROSERVIS MTP” MCHJ TUGATISH
KOMISSIYASI

– Давлатимиз раҳбарининг Матбуот ва оммавий ахборот воситалари ходимлари куни муносабати билан йўллаган табриги медиа соҳа вакиллари учун муҳим дастуриламал бўлмоқда, – деди Ўзбекистон Журналистлар уюшмаси раиси вазифасини бажарувчи Холмурод Салимов. – Унда мамлакатимиз етакчиси атоқли жадид бобомиз Ҳожи Муиннинг “Матбуот тарихи – Ҳайоат даври тарихининг бир бўлагидир”, деган сўзларидан иқтибос келтирилганлар. Дарҳақиқат, кейинги йилларда улуг аждодларимиз бошлаб берган ибратли анъаналарни давом эттириб, демократик жамиятнинг муҳим шарт ва тамойили бўлган оммавий ахборот воситаларини изчил ривожлантиришга мамлакатимизда устувор эътибор қаратилмоқда.



«Ўзбек журналистикаси антологияси»



«Ўзбек журналистикаси антологияси» 1- ва 2-жилд китобларининг тайёрланиб, нашр этилиши ҳам медиа соҳа тарихини мукамал тадқиқ этиш, унинг тарбияоти кучайтириш борасидаги тизимли ишларнинг амалий натижасидир. Мазкур китоб Ўзбекистон Журналистлар уюшмаси бош ташиқчиллигида, иккунчи масъулигида яратилди. Китобни нашрга тайёрлашдан аввал соҳа олимлари, устоз ва таърибали журналистлар, медиа учун кадрлар тайёрловчи олий таълим муассасалари профессор-ўқитувчилари иштирокида маслаҳатлашув-муҳокама

(Давоми. Бошланиши 1-саҳифада)



учрашуви ўтказилиб, ишга киришилди, ишчи ва ижодий гуруҳлар шакллантирилди.

Ушбу 2 жилдли «Ўзбек журналистикаси антологияси» китоби «Қадимги давр журналистикасида лавҳалар», «Миллий журналистика шаклланиши ва тақомиллашнинг асоси (ўрта асрлар)», «Жадид журналистикаси (XIX аср охири – XX аср бошлари)», «Иккинчи жаҳон уруши даври журналистикаси», «Турғунлик даври журналистикаси: мураккаб сиёсий жараён ва матбуотдаги эврилишлар», «Қайта қуриш ва ошқоралик даври журналистикаси», «Мустақиллик даври ўзбек матбуоти» давлрларини ўз ичига олади.

Иш жараёнида архив ва кутубхона фондларида сақланаётган тарихий ҳужжат ва газеталардан фотонусхалар, турли давлрларда чоп этилган энг сара публици-

тик мақолалар, очерк ва фелетонлардан намуна ва парчалар олишга тўғри келди. Алишер Навоий номидаги Ўзбекистон Миллий кутубхонаси масъуллари бу борада ёрдамини аямади.

Узоқ вақт изланиш ва ҳамкорликда қилинган меҳнат натижа-сида 2 жилдли антологияга миллий журналистика шаклланиш босқичларига доир энг муҳим ва қимматли маълумотлар киритилди.

«Ўзбек журналистикаси антологияси» юртимиз оммавий ахборот воситалари вакиллари, ижодкорлар, тадқиқотчилар, журналист кадрлар тайёрловчи олий таълим муассасалари ўқитувчи-талабалари, соҳага қизиққан барча китобхонлар учун муҳим манба бўлиб хизмат қилиши аниқ.

ЎЗА

Do'ppi tikdim ipaklari tillodan...

Yurtimizning har bir mintaqasida do'ppilar o'ziga xos shakl va bezaklarga ega. Masalan:

– Marg'ilon do'ppisi oq matoga yog'och shtamp bilan tushiriladigan chor gulli naqshli bo'lib, tozalik va poklik ramzi sifatida qabul qilinadi.

– Toshkent do'ppisi yupqaroq va mayda gullar bilan bezatilib, insonning madaniyati va nazokatini aks ettiradi.

– Samarqand do'ppisi to'rtburchak shaklda bo'lib, guldolik bilan bezatiladi, uning naqshlari tarixiy Sharq madaniyati bilan bog'liq.

– Xorazm do'ppisi aylanasiimon shaklda bo'lib, ko'zni qamashtiruvchi qizil va jigarranglar bilan bezatiladi, u yoshlar hatyotga tetik qarashini ifoda etadi.

maqomi va mahalliy mansubligini ham ifoda etishi mumkin.

Bugungi kunda ham do'ppiga bo'lgan qiziqish yuqori. Modalar dunyosida dizaynerlar milliy uslubni zamonaviylik bilan uyg'unlashtirib, do'ppini xalqaro sahna-ga olib chiqmoqdalar. Natijada, madaniy ko'rgazmalar, milliy festivallar, xalqaro namoyishlarda o'zbek do'ppisining nufuzi va estetik qiymati tobora ortib bormoqda.

Yurtimizda milliy qadriyatlarimizni as-rab-avaylash va yosh avlodga ulashish maqsadida amalga oshirilayotgan ishlar ham alohida e'tirofga loyiq.

Xususan, Bo'ka tumanidagi “Barkamol avlod” bolalar maktabida faoliyat yuritayotgan do'ppi tikish to'garagi milliy an'analarni yoshlar ongiga singdirishda



– Qashqadaryo va Surxondaryo do'ppilari katta guldolik, yorqin va serjilva naqshlar bilan tikiladi, bu esa o'sha hududlarning milliy kayfiyati va rang-barang an'analaridan dalolat beradi.

Do'ppilardagi naqsh va gullar bejizga tanlanmagan. Masalan, “chor gul” – hayot, barqarorlik va farovonlik ramzi. “Chormag'z” naqshi – farovonlik va barakani anglatadi. Do'ppining shakli, undagi bezaklar insonning yoshi, jinsi, ijtimoiy

muhim ahamiyat kasb etmoqda. Darslarda bolalar nafaqat tikuvchilik sir-asrorlarini o'rganishmoqda, balki o'z milliy merosi bilan faxrlanishni, unga hurmat bilan qarashni ham anglab bormoqdalar.

Darhaqiqat, do'ppi – o'tmish va bugungi bog'lovchi madaniy ko'priq. Uni as-rab-avaylash – milliy o'zligimizni, tarixiy xotiramizni va estetik zavqimizni saqlash demakdir.

Gulchehra IBROHIMOVA,
Bo'ka tumani “Barkamol avlod” bolalar maktabi uslubchisi

(Davomi. Boshlanishi 1-sahifada)

▼ Дарвоқе

ВАҚТНИНГ ТЕЗЛАШГАНИ РОСТМИ?

Охирги пайтлар ҳаммамиз вақт тезлашгани ҳақидаги фикрларни тез-тез тилга оладиган бўлиб қолдик. Бир қарашда бу фикрда мантиқ йўқдек, ҳеч қачон 25 кунда бир ой ўтмаганидек, 50 дақиқада бир соат вақт ўтмайди.

Лекин нега унда ҳаммамиз бирваракайига бу жараёни ҳис қилмоқдамиз? Бунинг аниқ жавоби йўқ, бўлиши ҳам мумкин эмас. Аммо айрим фикрларга эътибор қаратсак.

Масалан, ҳозир вақтнинг тез ўтаётгандек туюлишига ҳар қадамда кўзимиз тўшаётган соатлар сабабчи бўлмаяптимики? (соат деганда вақтни ўлчовчи асбоб – хронометр назарда тутилмоқда). Ахир нима узлуксиз ўлча-наверса, қадрли, нима қадрли бўлса, тез сарф-ланаётгандек туюлмайди?

Яқин-яқинда ҳам соат таъкид боилик белгиси бўлиб, кишининг анча илгирлаб кетганини аниқларди. Ота-боболаримизнинг суратхоналардаги соатларини вақтинча таъкид, кўллариини иккарига тираб тушган суратларини ҳаммамиз кўрганимиз.

Ҳозир телевизор ҳам аниқ вақтни кўрсатиб пўписа қилади, ҳаммаша ёнимизда юрвчи уяли телефонлар экранининг ярмини ўтаётган ва ортга қайтмайдиган фурсатларни аниқлаётган рақамлар эгаллаб олган, тикилаётган компьютерларимизнинг бир четига ўтаётган вақтимиз ўлчанмоқда. Қамига бир вақтлар ҳавас бўлган деворларга илинган ва ҳануз тушиш нияти бўлмаган йирик соатларимиз ҳар дақиқада бонг уриб туришибди.

Хуллас, поилабалимизгача ҳамма жойда соат бор. Агар шулар бўлмаса, табиат ҳодисаларига қараймиз ва тонг отиши, кун ботиши сингари жараёнларга руҳан тайёрланамиз, аниқ муддатларга кўпам боғланавермаймиз ва, табиийки, ўтган фурсатларга бунчалар ачинмаймиз, шошмай-миз...

Балки биз шошаверганимиз, умрни узлуксиз ўлчайверганимиздан вақт тезлашаётганини ҳис қилаётгандирми? Яна бир фикр шуки, балки беҳад кўпайган соат(хронометр)ларнинг ҳар бири ўз ишини “ўта аъло даражада уддалаб”, бизга аталган вақтни бўлақларга бўлиб юлиб олиб кетаётгандир... Балки, балки...

Ҳар нечук шуниси аниқки, икки нарса чексиз, бири само, бири вақт!

Аброр ЗОҲИДОВ

Азалдан аёлга ажиб таърифу тахсинлар айтилган. Дарҳақиқат, аёл зоти ўзининг нафосати ва латофати, муҳаббати ва садоқати, оналик меҳри билан тенгсиз мўъжизадир. Аёлларнинг жамият олдидаги масъулияти ҳам катта.

Бугунги мақоламиз қаҳрамони Дилбархон Абдукаримова ҳам ана шундай фариштали аёлларимиздан. Узоқ йиллардан бери китоблар оламида яшаб, минглаб ўқувчиларга зиё улашаётган маърифатчи.

Маданият олийгоҳини кутубхонашунослик йўналиши бўйича му-

дукаримов рус кизи Александра (Малика) Макеева билан турмуш қуриб, олти ўғил ва икки қизини эл-юрт қорига ғрайдиган қилиб тарбиялашди.

– Китоб инсон қалбини поклайди, фикрини бойитади. Мен китоблар ичиде яшашни бахт санайман,

фидойилик билан ишлаб, турли танловларда ғолиб бўлишмоқда.

У раҳбарлик қилаётган Ахборот-кутубхона маркази кўп йиллардан буён уй шароитида таълим олаётган, имконияти чекланган ёшлар билан мунтазам ишлаб келмоқда. Дилбархон бошчилигида

Кутубхона Дилбари

ваффақиятли тамоомлаган ёш қиз тумандаги болалар кутубхонасига ишга келади. “Ўсимда ўша дамлар, ўзи учар гиламлар”, дейди-ку шоиримиз. Отам бозорга борсалар, албатта, бизларга турли китоблар олиб келардилар. Газета-журналлар мутулаасини қанда қилмасдик. Ушанда мўъжаз кутубхонада ишлашни, умр бўйи мутулаага йўлдош бўлишни жуда истадик. Орзуларим амалга ошди. Эндилқда кутубхона – иккинчи уйим. Ҳар бир китобда ҳаёт, ҳар бир китобхонада умид бор. Президентимиз томонидан китобхонлик давлат сиёсати даражасига кўтарилмоқда. Бизнинг ютуғимиз – китобга ошно ёшларнинг сафи кенгаётганида. Китобхонларимиз орасида ҳаётда ўз йўлини топган, турли соҳа вакиллари бор. Улар: “Дилбар опа, сиз тавсия қилган китоб ҳаётимни ўзгартирди”, дейишса, қувонаман.

Дилбархон нафақат ишда, балки жамиятда ҳам фаол. У аёлларга хос нафосат, меҳр ва бағрикенглик билан раҳбарлик қилади. Жамоасида адолат, самимият ва ўзаро ҳурмат устувор. У юздан орманик шогирдлар тайёрлади. Ҳозирда улар нуфузли кутубхоналарда

имконияти чекланган китобхонлар жамиятда ўз ўрниларини топишларига кўмаклашиш мақсадида турли тадбирлар ва хайрия акциялари ўтказиб келинади. Бунақа савобли ишларни қилишдан жамоа ҳаммаша мамнунлик ҳис этади. “Ёшлар ҳаётда ўз йўлларини топишса, кўп китоб ўқишса, мана шунинг ўзи бизга муқофотда”, дейди Дилбархон.

Д.Абдукаримованинг юртимизда ўтказиб келинаётган қизчиллиги китобхонлик тадбирларининг ташаббускори. У чет эл кутубхоналари билан доимий алоқа ва ҳамкорлик ўрнатган. Хорижда ўтказилган бир неча нуфузли илмий-амалий конференцияларда ўз маърузалари билан қатнашиб, тақлиф ва ташаббусларини билдириб келади. Унинг чиқишлари хориж нашрларида чоп этилган. Масалан, 2022 йил июнь ойида Россия фанлар академияси Сибирь бўлимининг Давлат оммавий илмий-техник кутубхонаси қошида чоп этиладиган “Труды ГПНТБ СОРАН” журналининг 3-сониде “Ногирон болаларга ахборот кутубхона хизматини кўрсатиш: Юқори Чирчик Ахборот-кутубхона марказининг иш таърибаси” сарлавҳали мақоласи чоп этилган.

▼ “Тошкент ҳақиқати” йўқлови



TOSHKENT HAQIQATI
ТАШКЕНТСКАЯ ПРАВДА

Muassis:

TOSHKENT VILOYATI HOKIMLIGI



“Toshkent haqiqati” va “Tashkentskaya pravda” gazetalarini tahrir hay'ati:

Zoyir MIRZAYEV
(tahrir hay'ati raisi)

Abdusamad NOSIROV
Ummat MIRZAQULOV
Hotamjon SAYDAHMEDOV
G'afurjon MUHAMEDOV
Sayyora FAYZIYEVA
Tohir ARIPOV
Mahmud TOIR
Azamat MIRZAYEV
Uskenboy ATEMOV
Abdulla XURSANOV
Shahboz NIZOMIDDINOV
Kumush EGAMBERDIYEVA
Olimjon BEGALIYEV
Behzod QOBULOV
Sergey MUTIN

Bosh muharrir:
G'ayrat SHERALIYEV

Qabulxona:
(55) 520-64-95

Bosh muharrir o'rinbosari:
(55) 520-04-10

Mas'ul kotib:
(55) 520-05-10

Bo'lim muharrirlari:
(55) 520-06-20, (55) 520-04-20

E'lonlar va hisob-kitob bo'limi:
(55) 520-21-20

e-mail: toshkenthqiqati@uamail.uz

Nashr uchun mas'ul:
Kumush EGAMBERDIYEVA
Navbatchesi:
To'xtamurod HASANBOYEV
Ekspeditor:
Behruz NURBOBOYEV

Bosishga topshirish vaqti – 21.00.
Bosishga topshirildi – 21.00.
Nashr ko'rsatkichi – 205.
Buyurtma G-735.
3 050 nusxada chop etildi.
Hajmi – 2 taboq. Ofset usulida bosildi. Qog'oz bichimi A–2.
Bahosi kelishilgan narxda.

Toshkent viloyati Axborot va ommaviy kommunikatsiyalar boshqarmasida
2011-yil 12-yanvarda
03-001 raqami bilan ro'yxatga olingan.

Manzil:
111500, Nurafshon shahri,
Toshkent yo'li ko'chasi, 90.
Toshkent shahridagi ofisimiz: Bektemir tumani, Ittifoq ko'chasi, 2.
ISSN 2010-9318.

Gazeta «Toshkent haqiqati» tahririyati kompyuter markazida terildi va Tohir Mahmudxo'jayev tomonidan sahifalandi.

Haftaning chorshanba va shanba kunlari chiqadi.

«SHARQ» nashriyot-matbaa aksiyadorlik kompaniyasi bosmaxonasida bosildi.
Korxona manzili:
Toshkent shahri,
Buyuk Turon ko'chasi, 41-uy.